

**Тіл ұстарту  
жаттығулары  
«Ойнайық та,  
ойлайық»**

**ЖЫЛ МЕЗГІЛДЕРІ  
ТУРАЛЫ**

Қыс туралы

Ыс – ыс – ыс,

Келіп жетті қыс.

Ар – ар – ар,

Жауады қар.

Яз – яз – яз

Сақылдаған сары аяз.

Ран – ран – ран,

Соғады боран.

На – на – на,

Зулайды шана.

Күз туралы

Үз – үз – үз,

Жаңбырлы Күз.

Рақ – рақ – рақ,

Саулайды жапырақ.

Ел – ел – ел,

Соғады жел.

Іс – іс – іс,

Піседі жеміс.

Дай – дай – дай,

Жинаймыз бидай.

Көктем туралы

Тем – тем – тем,

Көңілді көктем.

Ыр – ыр – ыр,

Жауады жаңбыр.

Ғай – ғай – ғай,

Жарқылдайды

найзағай.

Шек – шек – шек,

Шығады бәйшешек.

Ал – ал – ал,

Төлдейді мал.

Жаз туралы.

Аз – аз – аз,

Жайдары жаз.

Үн – үн – үн

Ыстық күн.

Ға – ға – ға,

Шомыламыз суға.

Яқ – яқ – яқ,

Жүреміз жалаң аяқ.

Иын – иын – иын,

Болады көп ойын.

**ҮЙ ЖАНУАРЛАРЫ  
ТУРАЛЫ**

Ие – ие – ие,

Маң – маң басқан

түйе.

Та- та – та,

Жібек жүнді бота.

Иыр – иыр – иыр,

Сүт береді сиыр.

Зау – зау – зау,

Мөңірейді бұзау.

Қы – қы – қы,

Кісінейді жылқы.

Шақ – шақ – шақ,

Құлдырайды

құлыншақ.

Ой – ой – ой,

Қорада тұр қой.

Зы – зы – зы,

Моп – момақан қозы.

Кі – кі – кі,

Сақалды ешкі.

Ақ – ақ – ақ,

Секендеген лақ.

Ік – ік – ік,

Шәукілдейді күшік.

Ық – ық – ық,

Тышқан жейді

мысық.

**ЖАБАЙЫ АҢДАР  
ТУРАЛЫ**

Ю – ю – ю,

Қорбаңдайды аю.

Тан – тан – тан,

Аң патшасы –

Арыстан.

Ыс – ыс – ыс,

Тарғыл түсті

жолбарыс.

Қыр – қыр – қыр,

Бұл көкжал қасқыр.

Іл – іл – іл,

Тұмсығы ұзын піл.

Лан – лан – лан,

Шығады жылан.

Кі – кі – кі,

Айлакер қу түлкі.

Ян – ян – ян,

Қорқақ қоян.

Пі – пі – пі,

Тікенекті кірпі.

Ін – ін – ін,

Жаңғақ жейді тиін.

**ҚҰСТАР ТУРАЛЫ**

Пан – пан – пан,

Сап – сары балапан.

Ұс – ұс – ұс,

Ұшты үлкен құс.

Ғай – ғай – ғай,

Жем шоқиды торғай.

Ға – ға – ға,  
Тал басында қарға.

Ғаш – ғаш – ғаш,  
Ұя салды қарлығаш.

Бұл – бұл – бұл,  
Сайрайды бұлбұл.

Қан – қан – қан,  
Ала қанат сауысқан.

Дақ – дақ – дақ,  
Емші құс тоқылдақ.

Қу – қу – қу,  
Жүзеді қос аққу.

Уық – уық – уық,  
Қыт – қыттайды  
тауық.

Шін – шін – шін,  
Бақыт құсы көгершін.

Кек – кек – кек,  
Өз атын шақырады  
көкек.

Рек – рек – рек,  
Ұшты көлден үйрек.

Еш – еш – еш,  
Шақырады этеш.

Кіт – кіт – кіт,  
Самғайды Бүркіт.  
**КИІМДЕР ТУРАЛЫ**

Он – он – он  
Тері тон.

Пақ – пақ – пақ  
Киіз байпақ

Пан – пан – пан  
Атам киеді шапан

Лош – лош – лош  
Әжем киеді галош

Зол – зол – зол  
Зерлі камзол

Я – я – я  
Моншақта тақия

Ле – ле – ле  
Үуілі сәукеле

Қап – қап – қап  
Әдемі қолқап

Лек – лек – лек  
Қос етек көйлек

Ли – ли – ли  
Биік өкше туфли

Ік – ік – ік  
Сәнді етік

Ди – ди – ди  
Су кешетін поди

Мақ – мақ – мақ  
Жылы тымақ

Пек – пек – пек  
Тоқыған телпек

Ки – ки – ки  
Жүн носки

**ЫДЫС-АЯҚ  
ТҮРЛДЕРІ**

**ТУРАЛЫ**  
Бақ – бақ – бақ  
Ас салатын табак

Шақ – шақ – шақ  
Өткір пышақ

Зан – зан – зан  
Ет асатын қазан  
Зы – зы – зы  
Алма салатын вазы

Ман – ман – ман  
Су құятын құман

Нек – нек – нек  
Шай қайнайтын  
шәйнек

Се – се – се-  
Шай ішетін кесе

Гі- гі – гі  
Сүт сүзетін сүзгі

Ке – ке – ке  
Шұңғыл тәрелке

Ық – ық – ық  
Ас ішетін қасық

**ЖАНҰЯ  
МҮШЕЛЕРІ  
ТУРАЛЫ**

Та – та – та  
Ақ сақалды ата

Е – е – е  
Ақ жаулықты әже

Ке – ке – ке  
Асқар таудай әке

На – на – на  
Мейірімді ана

Ға – ға – ға  
Қамқоршы аға

Ыз – ыз – ыз  
Айназ жақсы қыз

Ла – ла – ла  
Саят пысық бала